

e-BULETIN JSKM

EDISI MAC 2025

LAMBAIAN KASIH
PERSAHABATAN

RAHSIA ALAMI UNTUK
KELEGAAN SAKIT KEPALA

MENYEMAI MINAT,
MENUAI KEJAYAAN
Perjalanan Seorang Pendidik
Ts. Wan Anisha
Wan Mohammad

eISSN 2637-0077



9 772637 007004

KELUARAN KE-13

ISTIMEWA ANAK
SULUNG





Sidang Redaksi:

Ketua Editor

Dr. Siti Nurleena Abu Mansor

Editor

Ts. Jamal Othman

Pn. Siti Mariam Saad

Pn. Zuraira Libasin

En. Ahmad Rashidi Azudin

Terbitan:



UNIVERSITI
TEKNOLOGI
MARA

Unit Penerbitan e-Buletin

Jabatan Sains Komputer dan Matematik

UiTM Cawangan Pulau Pinang

13500 Permatang Pauh

Pulau Pinang

Kata Pengantar Ketua Editor

01

Kata Pengantar Koordinator

02

Ucapan Khas Salam Aidilfitri

03

Menyemai Minat, Menuai Kejayaan

04

Laporan Aktiviti

05

Perkongsian

16

Puisi

69

Isi

Kandungan e-Buletin

SELAMAT HARI RAYA

Selamat Hari Raya

Bismillahirrahmanirrahim.

Assalamu'alaikum warahmatullahi wabarakatuh.

Segala puji dan syukur kita panjatkan ke hadirat Allah SWT atas limpahan rahmat dan inayah-Nya yang mengizinkan kita menyempurnakan ibadah Ramadan dan kini menyambut bulan Syawal yang penuh keberkatan. Syawal bukan sekadar bulan kemenangan setelah sebulan berpuasa, tetapi juga bulan untuk kita memperkukuhkan ukhuwah, mengeratkan silaturahmi, dan saling bermaafan atas segala kekhilafan.

Dengan penuh rasa syukur, saya ingin mengucapkan Selamat Hari Raya Aidilfitri kepada seluruh warga Jabatan Sains Komputer dan Matematik. Taqabbalallahu minna wa minkum –semoga Allah menerima segala amal ibadah, doa, dan usaha kita semua. Semoga Syawal ini menjadi detik untuk kita terus menyuburkan kasih sayang, memperkukuh perpaduan, serta meningkatkan keikhlasan dalam setiap urusan kehidupan.

Dalam kegembiraan menyambut Syawal, marilah kita terus menanamkan rasa syukur dan saling menghargai nikmat ukhuwah fillah yang Allah anugerahkan kepada kita. Jabatan ini berkembang dan maju hasil usaha gigih, dedikasi, serta keikhlasan setiap warga kerja yang sentiasa berusaha memberikan yang terbaik. Sesungguhnya setiap usaha yang dilakukan dengan niat yang ikhlas kerana Allah akan menjadi amal jariah yang berkekalan pahalanya. Saya amat menghargai semangat kebersamaan yang kita pupuk, serta sikap saling membantu yang menjadi tunjang kekuatan kita sebagai satu keluarga besar dalam jabatan ini.

Dalam kemeriahan Aidilfitri ini, janganlah kita lupakan mereka yang kurang bernasib baik, yang mungkin tidak berpeluang meraikannya bersama keluarga atau dalam keadaan yang serba kekurangan. Marilah kita panjatkan doa agar mereka juga dikurniakan kegembiraan dan keberkatan Syawal.

Semoga bulan yang mulia ini menjadi titik permulaan bagi kita untuk terus memperbaiki diri, meningkatkan keimanan, dan mempererat hubungan sesama insan. Selamat Hari Raya Aidilfitri, Maaf Zahir dan Batin.

Akhirukalami, saya akhiri dengan dua rangkap pantun untuk diseri:

Subuh Syawal cahaya berseri,
Takbir berkumandang penuh syahdu,
Salam dihulur mengukuh diri,
Moga ukhuwah kekal berpadu.

Langit mencerah angin sepoi,
Bunga berkembang indah mewangi,
Syawal diraikan hati berbuih,
Kemaafan dipinta sesuci qalbi.

Wassalamu'alaikum warahmatullahi wabarakatuh.

Sekian. Terima kasih...

~ Dr. Nor Hanim Abd Rahman ~



UCAPAN KHAS SALAM AIDILFITRI



اَوَّلُ سَيِّئِي تَكُونُ لَوْ كُنِي مُبَارَا
UNIVERSITI
TEKNOLOGI
MARA

Unit Penerbitan e-Buletin
Jabatan Sains Komputer dan Matematik
UiTM Cawangan Pulau Pinang
13500 Permatang Pauh
Pulau Pinang